

COMUN: Da en lönesc, 03.05.2021, inant é la poscibilité da fá tesč antigenics asvelc tl salf di stödafeuch a San Martin, y plü avisa vigni lönesc y jöbia dales 7.00 - 10.00 y dales 17.00 - 19.00. Prenotaziuns é da fá online tres le sistem de prenotaziun sön chësc link: <https://app.no-q.info/wir-testen-st-martin-in-thurn-testiamoci-s-martino-in-badia/checkins> (sce chësc ne jiss nia da fá, vára ince tres telefon dal lönesc al vëndres dales 8.00 ales 12.00, 0474 524377 pro le dependënt de comun sig. David Costabiei).

Sc'i ne sêis nia bugn da respeté l'apuntamënt fissé, sêise peria da le desdî tres le link tl'e-mail de conferma o tres telefon. I tesč é debann y voluntars. Ai vëgn fac cun "tesč tl'ara dl nes" che é scëmpli da adoré y che vignun pó fá instès cun la suraverda dl personal adestré.

Al vëgn peria da se presenté a dërt'ora al test y da se tó do chisc documënc: cherta d'identité y le formular implí fora ch'i êis ciafé cun la prenotaziun. Le resultat gnará comuniché pornanch'al é meso tres i dac de contat dá jö (misciun e-mail y numer de fonin). Tl caje de problems cun la trasmiscion dl resultat, contatede le Comun – sig. David Costabiei 0474 524377.

Deplü informaziuns é desponibiles chiló: <https://www.provincia.bz.it/sicurezza-protezione-civile/protezione-civile/coronavirus-test-alto-adige.asp>

SAN MARTIN

Dilan dl'oferta en recordanza dl defunt Pire Erlacher da pert dles families dl Cheder por la capela da Frëina/Mirí.

LUNGIARÜ

En lönesc da doman, ai 10 de mà, vëgnel lavé la dljia da Lungiarü; deache l'ann passé n'é la dljia nia gnüda lavada, periunse en chësc ann dër bel do tröpes mans arjignades da daidé. Nia ma jones y ëres vëgn bel periades, mo ince jogn y ëi. Präibel, y a chi che sciafia damperfora en dilan fort!

En bel dilan dles ofertes en recordanza dla defunta Rita Zingerle Clara: da Irene, Eduard y Carla, da familia de Hubert Clara, da familia de Robert Dapoz, da familia Zingerle - Pension Vittoria y da familia de Lois y Stina Clara.

Le Sorvisc ai Jogn Val Badia: le sorvisc de consulënza por jogn, jones y geniturs é indô davert vigni pröma y terza jöbia dl mëis dales 8.00 ales 10.00 tl Sorvisc ai Jogn a Picolin y vigni secunda y quarta jöbia dl mëis dales 16.30 ales 18.00 tl SaJ.un a La Ila. Al resta inant la poscibilité da tó n apuntamënt fora de chësc orar. Le numer de contat é 342 84 10 721 o barbara@jogn.org



Maria, Uma de Di, che t'as porté tl gremo la vita nöia, i te festejun sëgn de ma sciöche nosta reina tl mëis de vita nöia y de flu, de belëza y de ligrëza.

Le Papa Francësch á invié, por döt le mëis de má, da peria por la fin dla pandemia che la jënt pois indô s'abiné y lauré. Insciö ál invié 30 santuars te döt le monn da porté inant chësc invit. Info: te internet - usc "maratona di preghiera maggio 2021"



Plata dles Ploanies San Martin y Lungiarü

ploan Klaus Sottsas 344 15 54 055 - klssottsas@rolmail.net
siur curat Heinrich Perathoner 339 65 74 213

redaziun: anton.gasser@rolmail.net - 348 27 44 517 / 0474 523 194

www.valbadiaonline.it/comunita

02.05. - 09.05.21 nr. 23

CUINTA DOMËNIA DE PASCA - B

Vangele do Jan 15,1-8

Iö sun le dër lëgn da üa, y mi pere é le vignadù....

Romagnede te mè, spo romagni iö te os. Sciöche la rama da üa ne sciafia nia da porté früt da d'ëra instëssa, mo mâ sc'ara romagn pro le lëgn, insciö ne sciafiëise gnanca os da porté früt, sc'i ne romagnëise nia te mè. Iö sun le lëgn da üa, os sêis les rames.

Chël che romagn te mè y te chël che iö romagni, chël porta tröp früt; ciodiche despartis da mè, ne sciafiëise da fà nia... Sce os romagnëis te mè y sce mies parores romagn te os, spo periede do döt ci ch'i orëis: i le ciararëis. Mi Pere vëgn glorifiché te chël, ch'i portëis tröp früt y ch'i diventëis mi discepu.



Romagnede te me!, dij Gejú. Dessi iö resté? Pro d'ël, pro súa jënt, tla Dlijia? Da chëra che tröc s'un stá demez, y olache ince iö me feji ert da sté ite. Dessi impó resté, ince sc'al pé ch'al sides püces rajuns da sté ite. Gejú tol dala natöra un di plü bi ejëmpli da nes splighé súa comuniun cun nos.

Sce Gejú é le lëgn da üa

y sce nos, sciöche rames despartides da d'ël, ne sciafiun da ne fá nia, podessun ince l'oje y se damané:

Ci foss pa le lëgn da üa zënza sües rames? Na planta bludra zënza früc. Gejú zënza nos? Nos zënza Gejú?

Nos rames adorun le lëgn da crësce, da ciafé sostanza, da diventé vin. Dl ater vers, che le lëgn ais vitalité, che sües impormetüdes devëntes vëi, ch'al sciafies da porté früt y da dé ca vin por la vita slaurida da vigni de, á ince le lëgn debojëgn de nos, les rames.

I ti á dōta la crēta a Chël Bel Dî, ël é le vignadú, y sá ci ch'al á imënt. Èl á senté le lëgn y se conforta a na buna racoiüda, ch'al sides vin por dúc.

EDEMA	SAN MARTIN	LUNGIARÜ	Recordanza
02.05.21 CUINTA DOMËNIA DE PASCA - B	9.00 Corona por vocaziuns 9.30 Gran Mëssa por la Comunité <i>cun siur Klaus</i> en onù de San Florian por i Stödafüch + Tone Tolpeit (dl ann) <i>al é ince 50 posé tl salf dl Istitut Ladin</i> 19.30 Corona de ma sò Ju	7.55 Corona por + Rita Zingerle Clara 8.15 Gran Mëssa por la Comunité <i>cun siur Klaus</i> 2ª de sopoltöra de + Rita Zingerle Clara 15.00 Corona tla capela de S. Ojöp Fr.	La monia suor Fidelia Ferdigg, che â da jona inom Angela, é nasciüda sò dal Jocer, sò Ju, ai 07.11.1937. Ara â tosc imparé da afrunté la vita danter laur, oraziun, fede y sacrifici. Do i agn de scora a San Martin éra jüda a fá la scora da ciasarina tl Istitut dl Sacher Cör a Mühlbach. Do ch'ara é stada a patrün sò Ghejenara éra jüda te convënt l'ann 1959 pro les Monies dla Ciarité a Maran, olach'ara á dé jö la profesciun religiosa ai 22.08.61. Do 7 agn de sorvisc tla ciasa provinciala a Maran éra rovada tla ciasa "Stella Maris" a Grado, olache les monies manajâ na ciasa al mer por porsones che â debojëgn de cures. Ara savô dër da se dé jö cun i ghescé, ara s'alegrâ cun chi ch'ara ti jô miú y incorajâ chi che â da patí, tolon l'aiüt dal Dî dla vita. Cun tröc ghescé mantignîra inant n bun raport sighitan da ti scrí. Do che la ciasa Stella Maris é gnüda stlûta l'ann 2007, ára ciamó daidé tl pensionat San Vincenzo a Treviso cina ch'ara á albü n infart l'ann 2013. Le tëmp dedô ára vit na vita de testimonianza de fede, de oraziun y de rassegnaziun, dagnora dër reconescënta de vigni incuntada y de vigni aiüt ch'ara cialfâ. A chi che l'á conesciüda ti lascera indô la recordanza de süa bela maniera valënta y de so müs riënt. Cun l'audanza dla pesc dl Ressorí, é suor Fidelia passada ai 23 d'aurí 2021 da chësc monn ia tla vita nöia pro Chël Bel Dî. 
03.05.21 Lönesc Iaco y Filip, apostui	19.30 Corona de ma a Picolin		
04.05.21 Dedolönesc <i>Florian, Guido, Valeria</i>	19.00 Mëssa + + + Sabina, Sepl y Milio Flöss + Celestina Turati + Rita Zingerle Clara, Lungiarü		
05.05.21 Iuta, Sigrid Dedemesaledema	19.30 Corona de ma te dlijia 20.00 Corona de ma sò Frëina/Mirí	7.30 Mëssa por fam. de Giorgio Moling + + de fam. Nazio y Loise Clara + + de Fornata	
06.05.21 Jöbia <i>Gundula, Antonia</i>	7.30 Mëssa de rengraziamënt + Fonjo Unterweger Corona por Vocaziuns 19.30 Corona de ma it'a Bioch		
07.05.21 Gisela, Virginia Pröm Vëndres	Domisdé: Provijiun di amará 18.30 Adoraziun chîta 19.00 Mëssa + Ida Flöss + + + + Maria, Pire, Tone y Paul Unterweger	7.30 Mëssa + Vito Clara, Somví + Iarone y Loise Freinademetz por les püres Animes dedô Provijiun di amará	
08.05.21 Sabeda <i>Ulrika Nisch, Friedrich</i>	19.30 Mëssa prefestia vis y def. fam. Fonjo y Zilia Pedevilla, Mirí + Maria Clara Verginer por les Animes dl purgatore	18.00 Mëssa prefestia 3a de sopoltöra de Rita Zingerle Clara + + Angel y Clara Ferdigg + + Zilia y Franz Pezzei, Ghestan + + Herta Clara y Cristina Zingerle	
09.05.21 SESTA DOMËNIA DE PASCA - B Festa dles Umes	9.00 Corona por + Pire Erlacher 9.30 Gran Mëssa por la Comunité mëssa cun les families de rengraziamënt por les umes + suor Fidelia (Angela) Ferdigg 2ª de sopoltöra de + Pire Erlacher 19.30 Corona de ma sò Ju	7.55 Corona de Ma 8.15 Gran Mëssa por la Comunité 15.00 Corona tla capela de S. Ojöp Fr.	